


Dienelkander



Nuusbrief van die Gereformeerde Kerk Potchefstroom-Oos

31 Julie 2016

OGGENDDIENS: Ds. Karel

Skriflesing: 1 Petrus 2:11-17
(Afrikaans Direkte Vertaling)

Teks: 1 Petrus 2:17

Tema: Laat jou verhouding met Jesus
Christus jou vrees, respek en liefde bepaal!

Vanoggend staan ons stil by die derde en laaste preek in ons reeks voor die verkiesing. In hierdie gedeelte word daar vir ons vier opdragte gegee wat vir altyd geld. Hierdie opdragte is dat ons alle mense moet respekteer, ons medegelowiges moet lief hê, God moet vrees en die keiser moet respekteer. Hierdie vier opdragte rus op 'n lewensveranderende, vaste waarheid: Jesus Christus (self God) het mens (die beeld van God) geword en ons kom leer en wys hóé ons hierdie vier opdragte kan uitleef.

Kom ons gebruik hierdie vier opdragte om ook ons erediens mee in te klee:

Intreelied Lied 168: 1, 3; Votum; Seën; Loflied
Lied 207: 1, 2, 3;

Vrees God

Skriflesing; Sing Ps. 104:2: 1, 16; Preek begin en duur tot met geloofsbelijdenis; Eerste wetlesing: Matt. 22:37-38; Sing Lied 203: 1, 3;
Gebed

Respekteer die Keiser

Gebed vir die komende verkiesing en die regering van die land

Respekteer alle mense

Wetlesing 2: Romeine 12: 17-21; Gebed vir Bediening na Buite;

Wees lief vir julle medegelowiges

Geloofsbelijdenis (Apostolies - almal saam);
Gebed; Liefdegawes; Sing Sb. 15:1: 2, 3, 4;
Seën; Amenlied Sb13-3

GROEPBYEENKOMSTE VANAAND – GEEN AANDDIENS

Die kleingroepe vergader vanaand soos onderling gereël. Daar vergader 'n groep om 16:30 by die kerk en almal is welkom.

MEELEWING

- Oom Koos du Plooy (Groep 14 - 082 455 5348) is ontslaan en sterk aan in Huis Anna Viljoen.
- Riaan Rheeder (Groep 10 - 084 050 0162) se moeder is Maandagmiddag oorlede en die troosdiens vind more-oggend om 11:00 hier in ons kerkgebou plaas. Ons bid hom en sy gesin die troos van die Here toe.
- Oom Tjaart Snyman (Groep 14 - 083 543 0526) is in die hospitaal opgeneem nadat hy verswak het.
- Odelia Venter (Groep 40 – 083 290 1572) is Vrydag in Wilmedpark opgeneem vir

behandeling na haar skildklier-operasie. Sy word Maandag weer ontslaan.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt en Tjaart Snyman, Andy en Blossom Pretorius.

ONDERSTEUNING VIR SIEKES

Vir ondersteuning of besoek deur die hospitaalbesoeke-diensgroep, skakel hierdie week vir: siekies@oosdoppers.co.za of Louw en Magdaleen Venter (082 566 5879)

BAIE WELKOM AAN

Imke Rheeder wat met attestaat vanaf Cachet by ons gemeente aansluit, sy woon in Kasteel Dameskoshuis, groep 10.

BAIE GELUK

Gerrie en Marlize van Deventer het 'n baba-dogtertjie ryker geword, Arianna Katharine. Baie geluk ook aan oupa en ouma Lou en Magdaleen Venter.

AFKONDIGINGS

Vandag

09:15 Gebedsgroep

09:30 Oggenddiens

Kleuterbediening

Katkasisie, les 17

Tee en Koffie

Groepbediening

Maandag

18:30 Kassiere diensgroep

Dinsdag

06:00 Manne Ondersteuningsgroep

18:00 Groepsusterbestuur

Woensdag

Publieke vakansiedag

Geen Bybelstudies of Katkasisie

16:00 Byeenkoms van TSP studentefamilies
by ds Piet se huis

VERJAARSDAE

Baie geluk aan almal wat DV hierdie week verjaar!

Sondag, 31 Julie

Br Louis Abrie 078 708 8804

Maandag, 1 Augustus

Br JD Aucamp 084 500 4221
Sr Charlotte Coetsee 082 618 0319

Woensdag, 3 Augustus

Br Gerald Lake 079 510 2841
Sr Adele Delpot 082 532 8658

Donderdag, 4 Augustus

Jsr Linde Oelofse

Saterdag, 6 Augustus

Br Jan-Harm Burger
Br Johan Coetsee (72) 072 192 0446
Br Neels Coetzer 082 940 6040
Br Petri Schutte (70) 082 375 3331

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die SDDS.
- Gawe volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 5 en 6.

**FONDSINSAMELINGSPROJEK:
KLANK & BEELD**

Ons herinner lidmate daarvan dat ons met die gemeentevergadering vir Begroting 2016 -17 melding gemaak het van die behoefte om die klank en beeld in die kerk op te gradeer. Die kerkrAAD het besluit om hierdie uitgawe nie deel te maak van ons kapitaalbegroting nie, maar om lidmate te versoek om vrywillig hiervoor by te dra. Daar het alreeds 'n paar duisend rand ingekom maar dit is ver onder die mikpunt van R100 000.00. Ons kan egter geen uitgawe aangaan voor ons nie voldoende fondse het nie.

Ons versoek lidmate om vir die doel 'n bydrae te maak. Merk u koevertjie of inbetalings Projek Klank en Beeld. Ons wil graag ons eredienservaring verdiep met beter beeld en klank vir almal.

ONS GEMEENTE SE BEDIENING NA BUITE

Ons gemeente reik op verskillende vlakke en na verskillende plekke in ons gemeenskap uit. Behalwe die betrokkenheid en dienswerk van kleingroepe en individuele lidmate in 'n verskeidenheid van aktiwiteite, het ons gemeente ook georganiseerde uitreik en dienswerk in die gemeenskap. Ons gee graag 'n kort oorsig hiervan met die gebed en hoop dat meer lidmate by hierdie bedieninge betrokke sal raak (Koot van der Walt - voorsitter Diensgroep vir bediening na buite.)

1. Amelia Versorgingsoord

Onder leiding van Pierre Volschenk en Chris Venter gaan die bediening aan die inwoners van Amelia Volwasse Versorgingsoord voort. Opregte dank aan hulle. Hier word op weeklikse basis huisgodsiens gehou in die wooneenhede en op Sondae word eredienste gelei. Ons kort egter bediening by een huis op Woensdae om huisgodsiens te hou van 18:00 tot 18:30 en om een keer in drie maande die oordenking daar te lei.

Ons doen n beroep op alle lidmate om te help.

2. Syferfontein - 'n gemeenskap van plaasarbeiders op die Vereenigingpad.

Johan Dunn het die afgelope drie jaar hier gearbei. Gedurende die tyd het die bywoning deur God se genade van +/-12 gestyg na +/-45. 'n Spesialewoord van dank aan Johan. Br. Mpho Mosasi het by Johan oorgeneem. Mpho is 'n 4de jaar teologiese student. Hy preek nie net Sondae nie maar doen ook Woensdae huisbesoek. Kategese aan die kinders geskied voor die erediens.

Donderdae gaan sr. Engela van der Walt saam met 'n tolk (Angeline) en 'n kinderwerker (Mirriam, wat ons laat oplei het) om die evangelie aan die kinders van Syferfontein te verkondig. Hulle doen dit deur die Bybel van voor af met die kinders deur te werk.

By Syferfontein is daar net 'n laerskool. Nege hoërskoolkinders van Syferfontein word met behulp van ondersteuning uit ons gemeente in lkageng gehuisves sodat hulle hoërskool kan bywoon. Dankie aan Groep 29 wat kos aan die een huis voorsien.

Ons benodig nog 'n kleingroep wat kos aan die ander huis voorsien.

3. Mooivallei - 'n bedienspunt in die plottegebied.

Twee jaar gelede was daar net twee lede by die bedienspunt . Teologiese student, Martiens Heymans, het hier begin werk. Hy het oudlede gaan opsoek en nou is daar 30 mense wat eredienste bywoon. Huisbesoek word op weeksaande gedoen. Baie dankie aan Martiens wat hierdie opbouwerk verrig het. Teologiese student, David, het by Martiens oorgeneem. Die groepie het al baie gedoen om hul vergaderplek, 'n ou skaapstal, te verbeter.

Dit sal goed wees indien 'n kleingroep of 'n wyk die mense sal bystaan en ondersteuning bied aan die bediening.

4. Klipdrif - gemeenskap van plaasarbeiders en weermaglede.

By hierdie bedienspunt het die getalle drievoudig toegeneem. Teologiese student, Peter Hattingh, het die afgelope drie jaar die bediening hier behartig met eredienste, huisbesoeke en gemeenskapswerk. 'n Besonderewoord van dank aan Peter. Teologiese student, Erasmus Venter, sit nou die bediening hier voort. Groep 42 van ons gemeente is hier betrokke en het gehelp dat daar badkamers gebou word en 'n toegeruste groentetuin op die been gebring word.

Intussen is daar op Woensdagoggende in samewerking met die Amos Plaasarbeiderbediening 'n bediening op die plaas van sr. Elize Schutte begin. Voor die dag se werk word godsdiensoefening gehou as Woordbediening aan die plaaswerkers. Vanaf 22 Julie tot 24 Julie is 'n "naweekkamp" op die terrein van die Klipdrifkerkgebou vir plaaswerkers van die omgewing aangebied.

5. Kinderbediening

5.1 Geriformeerde Kerk D'Kar, Botswana

Ons gemeente het in samewerking met die kerkraad van D'Kar twee gemeentelede van D'Kar hier in die RSA in kinderevangelisering laat oplei. Ds. Hendrik du Plessis berig dat die impak van die twee vrou baie groot is en dat die getalle van hulle kinderbediening toeneem tot soms 100 kinders per Sondag. D'Kar het versoek dat nog lidmate opgelei word om die groot hoeveelheid kinders te bearbei. Ons ondersoek die moontlikheid om nog n kursus in Botswana te gaan aanbied.

5.2 Dynamic Childrens Ministries Kursus

Drie van ons lidmate (Susan en Christien Lourens en Engela van der Walt) is tans besig met die kursus. Ons ondersoek verder die moontlikheid om 'n seminaar oor gesins- en intergenerasiebediening aan te bied. Hierdie seminaar sal van groot belang vir ons ouers en kategete wees.

5.3 Kortkursus in kinderbediening

'n Kort kursus wat veral fokus op die bediening aan kinders deur storievertelling word vir November of Desember beoog.

Baie dankie aan br Koot van der Walt wat hierdie dienswerk met ywer en toewyding koördineer. Kontak hom gerus as jy érens betrokke wil raak.

HUIS ANNA VILJOEN - POEDINGS

Baie dankie aan Corrie du Plessis en al die susters wat gehelp het, of bydraes gelewer het om ons poedingtafel vol te maak en Huis Anna Viljoen te ondersteun!

BAIE DANKIE

Baie dankie vir die "heerlike" pakkie wat ek ontvang het na my skouer-operasie. Ek waardeer dit oopreg.

Chris Venter

BEROEPE NUUS

BEROEPE ONTVANG

Proponent R Janse van Rensburg (Reghard) na Reitz/Lindley-kombinasie.

Ds JG Noëth (Hannes) van Totiusdal na Wolmaransstad

PROJEKTE

BILTONGAAND

Hierdie spesiale aand het ons verwagtinge oortref.

Baie dankie vir:

- almal wat meegewerk het om 'n heerlike kuieraand te organiseer
- aan die komitee vir die beplanning en reëlings
- Pottie en Ina Potgieter & Anna en Frikkie Smit vir die verwerking van die biltong en droëwors
- die gasvroue wat baie moeite gedoen het met hulle tafels en gaste genooi het.

Dankie aan almal wat die koue aand warm gekuier het - dit was lekker!

KERSMARK 2016

Ons wil graag lidmate nooi wat wil betrokke raak om te help met voorbereiding vir die Kersmark om Rieëtte Venter of Adele te skakel.

SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers



Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by
<http://karelsteyn.blogspot.co.za/>



KONTAKBESONDERHEDE:

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Susters



TEESKINKGELEENTHEID

Tee word **vandag** in die Skuur bedien onder die leiding van groep 6, Riana Heystek (Groep 7) en Marian de Kock (Groep 20).

Volgende week skink Marlise Styger (Groep 8), Marna Naude (Groep 10) en Groep 21 tee.

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

 Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

BLIKKIES-WARMHARTE


Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie aan almal wat so getrou vir ons die vol blikkies bring.

MELKFONDS

Ons gemeente is bevoorreg om elke Sondag 'n heerlike koppie melkkoffie of tee te geniet na die erediens. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om huis in hierdie voorreg te voorsien. Graag vra ons vir enige donasies wanneer daar weer heerlik gekuier word rondom 'n koppie koffie of tee. Die donasies kan in die houers geplaas word en so verseker ons ook elke week se lekker saamkuier na die erediens.

KWARTAALPROGRAM

DERDE KWARTAAL				
DATUM	DAG	TYD	WIE	WAT
02-Aug	Dinsdag	18:00	Groepsusters	Groepsustersvergadering
16-Aug	Dinsdag	19:00	Blok D	Susterssamekoms
11-Sep	Sondag	19:00	Blok A	Ouderlingevergadering - verversings
18-Sep	Sondag	12:00	Blok B	Nagmaal & ete



OOSDOPPERTJIE-NUUS

Verlede week het ons gelees van Jakob wat na baie jare weer herenig word met Josef. Ons het ook gelees hoe Josef sy broers vergewe het vir die onreg wat hulle hom aangedoen het. Vergifnis is seker een van die belangrikste aspekte van ons geloof, daarom leer ons vandag uit die Bybel hoe om te vergewe.

Wanneer Jesus vir sy dissipels leer hoe belangrik dit is om te vergewe, vertel Hy hulle die gelykenis van die ondankbare amptenaar wat self soveel vergifnis ontvang het, maar dit nie verder deurgegee het aan sy mede-amptenaar nie. Op die ou end beland hierdie man in die tronk "om gemartel te word totdat hy al die skuld betaal het" (Mat. 18: 34). En dan sluit Jesus af met hierdie woorde: "So sal my Vader wat in die hemel is, ook met julle maak as julle nie elkeen sy broer van harte vergewe nie" (vers 35).

Helmut Thielicke, 'n bekende teoloog, sê na aanleiding hiervan dat genade soos 'n aflosstokkie is. 'n Mens deel net in die oorwinning as jy die stokkie aangee. As jy daaraan vasklou en alleen enduit hardloop, word jy gediskwalifiseer, selfs al kom jy eerste, want dis teen die reëls. Lets hiervan het Josef verstaan. Maar Josef het ook iets anders ontdek wat hom gehelp het om te kan vergewe. Hy het raak gesien dat God met hom en sy broers besig is. "God het my voor julle uitgestuur om lewens te red," sê hy in Gen. 45:5. Later sou hy dit nog duideliker vir sy broers uitspel: "Julle wou my kwaad aandoen, maar God wou daarmee goed doen: Hy het gesorg dat 'n groot volk nou in die lewe gebly het: (Gen. 50:20). As jy 'n oog daarvoor het dat God sy plan met jou lewe sal bereik, ondanks die kwaad jou aangedoen, raak dit makliker om van harte te vergewe, soos Hy ons vergewe het.



© Johnny Sajem * www.ClipartOf.com/42370

BAIE DANKIE AAN ONS BORG VAN DIE WEEK!



Sanet Ras Prokureurs

OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u